



**Fasnacht 2014**

**Sujet: Zum Poppe in de Boxe stoppe**

Also in Züri händ`s scho e Brett vorem Chopf  
 die gwünne sicher nie e Bluemetopf  
 dr neuschti Furz zum dr Strossestrich bezwingen  
 me het eifach so Sexboxe lo erfinde.

Mir sind natürlich grad go rekognosziere  
 zum das Ganze mol usprobiere  
 fahre drum mit unserem Charre  
 schnurstracks an dr moderni Drive-In ane  
 und händ scho s`erst Mol müesse lache  
 wüsse jetzt garantiert, die Zürcher sind nit ganz bache  
 e Schilderwald „Mensch“ so konfus  
 do chunnt jo kei Maa me druss.

Denn endlich finde mir dr richtig Wäg  
 gsehn die Schlämpli ufgmotzt und zwäg  
 doch scho die Erscht foht afo bocke:  
 „Sorry, es darf numme ei Maa im Auto hocke.“  
 Also schicki mi Kollegg schnell usem Charre use  
 jetzt möchti gern kuschle und schmuse  
 s` Schlämpli au, das freut mi Chline  
 Sie seit: "Fahrsch grad in die erschti Boxe ine".

„Gesagt, getan“ ganz famos  
 judihui jetzt gohts ändlich los  
 doch irgendwie bin ich doch nit bereit  
 vo Erotik kei Spur wit und breit  
 dr Schalthebel druckt mir an Schänkel  
 d` Bretterwand goht mir uf de Sänkel  
 am Länkrad knalli dra mit mim Elleboge  
 dr Ruggen isch vo dere Stellig scho ganz verboge  
 au dr Sitz chlemmt, lot sich nit verstelle  
 s` Schlämpli will langsam Stutz gseh und zähle  
 ich find das Ganze katastrophal  
 und merk so Sexboxe sind scho banal.

Trotzdem händ mir Dorfplatzrueche

so Sexboxe au in Prattele welle versueche  
händ unsere Wage zur Verfügig gstellt  
und schnell es paar Schlämpli do ane bstellt  
wänd hoffe das Gschäftli duett rentiere  
und chan mitem Burggarte konkurriere  
dr einzig Unterschied, dass isch eso  
nachere Wuche werde eusi Boxe nümme sto  
in dere Beiz jedoch, isch das nit Edel  
chömmme alli drei Monet früschi Mädlel.

Apropos Sexboxe so hämer verno  
würde schins in Prattele scho länger stoh  
grad dört unte in dr Stockmatt  
findet dä ganzi „Grümpel“ statt  
Boxe um Boxe so wunderbar  
alli in Rot, das isch jo klar  
tagelang sehsch dört es i und us  
d` Awohner chömmet nümme druss  
dr Bielser Steffi isch e Wuche fascht nümme dehei  
do isch er aber sicher nit allei  
den am 26. Oktober händs au mir verstande  
dört isch jo s` neuu Fүүrwehrmagazin entstande.

Aber wer weiss bi dem viele Baue  
wird sich mol öper für so Sexboxe traue  
also näbe dr Autobahn mir chönnte wette  
stönd die Pföstli scho, wie damals in Züri-Altstette  
und wämer jetzt mol phantasiere  
es würdi mit so Sexboxe würkli passiere  
denn würdis sicher nit nur uns wunderneh  
wer dört würd go Druck abgeh.  
Dr Gmeinipräsi Stingelin chönnt nit go  
dä isch immer uf Reise, also nit do  
dr Wehrli Rolf, no no no  
das würdi grad im Facebook sto  
bim Hippenmeyer isch es au scho z`spot  
dä will jo dass es mitem Höfli ufwärts goht  
bi de Komiteemänner isch d` Luft scho duss  
a nei die händ jo zwei Neuui, voll im Schuss  
dr Suter Kurt würde mir no gseh  
den gäbtis im Pratteln.net es Filmli me  
vom FCB d` Dege Zwilling das chönnt no si  
den wäre sie mol drin statt nur derby  
aber glaubet uns mit guetem Gwüsse  
mir möchte das eigentlich doch gar nit wüsse.

In Prattele git`s sowieso nie so Sexboxe-Power  
eher Sex hoch obe im Hochhuus Tower  
drum werde mir die Fasnacht nit bereue  
und e Wuche lang puri Erotik verstreue  
wer denn Luscht het, cha so Boxe mol go bsueche  
schöni Fasnacht euri Sexbox-Dorfplatzrueche